


醫學六要

八下
五四終

齒 咽喉
破傷風 諸咳 祝由 魚蝨 跌撲
竹木刺 循衣摸床 邪崇 關格 湯火瘡

庫文閣內	
三〇一	二六二
函	二〇二
六	四
漢書	
內閣文庫	
番號	漢 12612
冊數	24 (24)
函號	301 31



齒痛

齒痛悉屬胃火熱極生風則齦腫痛風熱鬱久亦或生蟲未必如方士所取之大蟲也不知熱勝則肉腐非蛀也暮年齒動疎豁屬腎衰其或相火上炎亦令人痛兩尺必洪大而虛宜培腎陰齒縫脹亦屬陰虛六味丸佳右寸關脈洪弦屬腸中風熱作有餘治

上下牙痛不可忍牽引入腦或喜寒惡熱脈洪數有力者涼膈散倍酒蒸大黃瀉之稍緩乃以

清胃散加減胃火清自止

牙根腫痛延及兩腮先以辛涼發散後用涼膈散解之

胃中實熱太甚口臭不可近牙根疳蝕脫落血出乃恣食肥甘美酒肉食所致古方用禹功丸余以為不若清胃散加茵陳香薷少佐白豆寇妙先須用熟大黃瀉一二次妙陽明之濕熱去則牙床清寧而齒自安固矣

胃熱齒痛口臭用黃荆條大者煮瀝入薑汁少

許時時噉嗽

丹溪曰牙大痛必用胡椒萹撥能散其中浮熱兼以升麻寒水石佐以辛涼薄荷荆芥細辛之類

牙痛用清涼藥轉痛者從治之

萹撥 川椒 薄荷 荆芥 細辛

樟腦 青鹽

右為末搽牙上

潔古方牙痛不止 露蜂房 川椒去目等分

右為粗末煎漱禁言語

牙痛百藥不効用荔枝殼包青鹽燒灰存性擦牙痛處累驗一云荔枝核亦可

丹溪方茱萸煎酒含之佳

東垣馘鬼散治牙痛常吸風涼乃止屬胃中濕熱用黃連梧桐淚之苦寒薄荷荆穗之辛涼四味相合作風寒之氣治其濕熱升麻引入陽明經齒為骨之餘以羊脛骨灰補之為佐麝香人肉為引共細末擦牙神効外以調胃承氣湯去

硝加黃連以瀉腸胃中濕熱行三二次更屏厚

味永不再舉梧桐淚清涼太妙第難得耳出山西

清胃散治厚味炙煨酒麪過度積毒上攻或

過服補味暖藥致牙痛用此清之甚者加大

黃石膏

生地黃三分升麻一分牡丹皮五分歸身三分

黃連六分夏倍之

水煎服

一方齒斷宣露而痛生地黄一兩木臼內搗入

齒痛
鹽二合和之外用白麩裹可厚二寸煨于塘火
中以烟斷為度去麩加麝香一分研末用少許
貼牙床上

一方香附炒黑三分炒鹽一分搯齒妙

青龍散 治同清胃散

大黃 香附

各燒灰存性入青鹽搗勻擦牙

擦牙方

青鹽四兩軟石膏半升白芷 香附末各三錢

石為細末早晚擦

又方 骨碎補大黃各四兩燒灰存性青鹽二
兩石膏四兩為末擦亦佳更能烏鬚一方用
蒲公英燒灰香附末白芷青鹽為末擦

丹溪當歸龍膽散 治寒熱牙痛

升麻 麻黃各一錢生地 白芷 羊脛骨灰

各五分膽草 黃連各一錢歸稍五分草豆寇一錢

右為末擦牙

蟲牙蛀空作痛用黃蜂巢一箇以川椒填滿其

竅更以白鹽一錢封口燒存性入香白芷羊脛
骨灰各一錢同研為細末先以茶清漱口淨後
以此藥擦之及傳蛀處

牙痛用絳雪碧雪擦是治標也內必瀉胃火或
花椒雄黃白芷為末擦一錢

追風散 治諸牙痛

貫眾

鶴虱

荆芥

各等分

每用二錢川椒五十粒水煎漱口吐去極效
蒼耳子煎湯含漱亦妙

平牙散 去風冷蛀齲宜露之症甚效

槐枝

柳枝

各長四寸
四十九枝

皂角

不蛀者
七莖

鹽 五錢

入磁罐中塩泥固濟糖火燒一夜候冷取出
研細早晚擦牙

甘露飲子 治男婦胃中客熱口臭齒根腫悶

宣露心中煩饑不欲食咽中有瘡並治

黃芩

天門冬

麥門冬

枇杷葉

甘草

枳殼

生地

茵陳

石斛

熟地

煎服先漱

腎水弱火盛膏梁積熱釀毒于中毒隨經血入于齒中則痛先須瀉火以治其標久之必培腎陰慎口絕慾使水升火降自無齒病方中用升麻白芷牡丹皮者引陽明經也用細辛獨活羌活荆防草寇萆撥者散浮熱鬱火也用川椒鶴虱蜂房雄黃貫眾者殺蟲解蝕也石膏大黃木律木黃連生地薄荷者降火清胃也用青鹽滋腎羊脛補骨至如旱蓮沒石故紙首烏固齒兼烏鬚也或服或擦或漱或含無非辛散苦降殺蟲固本神而明之存乎人昧者執一法欲兼治之恐難取效一法用蟾酥銀珠摻和黍米大塞痛處引濃涎數口愈又法用川烏末點痛處與蟾酥意同不過取一時麻住不痛耳

一切齒病久之必培陰水補腎氣則火自降六味地黃丸加減最妙

一法牙動豁痰藜燒灰一味摻妙

青鹽固齒滋水也食鹽亦妙

齒齒悉屬濕熱惟分虛實耳一法用郁李根煎

治法積入卷八 齒痛

七十九

湯含漱之冷卽易

猪牙皂角及生薑西國升麻熟地黃木律旱蓮
槐角子細辛荷葉要相當青塩等分同燒燬研
細將來用最良指齒牢牙髭髮黑誰知世上有
僊方○按西國卽没石子

蛀牙用新燒石灰密丸塞蛀孔中痛立止

齒縫中出血不止用燒塩竈突煤二物研勻擦
牙妙塩勝血血見黑則止

牙疳方用五倍子炒焦銅青明礬各二兩麝少

許研末塩湯醋洗淨搽之

玉池散 治牙痛不牢

地骨皮 白芷 升麻 防風 細辛

川芎 槐花 當歸 藁本 甘草

煎湯熱漱冷吐去亦可服

血竭散 治牙疳并惡瘡久不瘥如神

寒水石 燒熱四兩研 龍骨 一兩 蒲黃 二兩 血竭 五錢

枯白礬 一兩 共末用少許搽之以紙封

一方走馬牙疳

髓

黃栢 藜蘆 石膏 銅青 膽星

麝香 少許 龍骨 病急多加

共末每五分搽

男子八歲腎氣實而齒更三八真牙生五八則齒稿八八而齒去矣女子亦然以七為數蓋腎主骨齒乃骨之餘隨之所養也故隨天癸之盛衰也足陽明之支者入于上齒手陽明之支者入于下齒若骨髓不足陽明脈虛則齒之諸病生矣何以言之陽明金也齒屬腎水也陽明之

支入齒間此乃母氣榮衛其子也故陽明實則齒堅牢陽明虛則齒浮動所以齒痛者乃陽明經有風冷濕熱之邪乘虛而入聚而為液為涎與齒間之氣血相搏擊而痛也若熱邪壅盛則腫而痛也熱不盛則齒斷微腫而根浮也有蟲牙痛者由濕熱生蟲蝕其根而作痛也有齒間血出者由陽明之支有風熱之邪入齒斷搏于血故血出也有齒齲者亦以陽明入風熱之邪搏齒斷氣血腐化為膿出臭汁謂之齒齲亦曰

風齩有齒齩者是蟲蝕齒至斷膿爛汁臭也有齒挺者由氣熱傳入脉至齒斷間液沫爲膿氣血竭肉斷消故齒根露而挺出也有齒動搖者陽明脉虛氣血不榮故齒動搖也有齒歷蠹者由骨髓氣血不能榮盛故令牙齒黯黑謂之歷齒其齒黃黑者亦然以此而言豈非諸齒病皆因陽明之所致哉

薛新甫曰濕熱甚而痛者承氣湯下之輕者清胃散大腸熱而齧腫痛者清胃散重則加大黃六鬱而痛者越鞠丸中氣虛而痛者補中益氣湯思慮傷脾而痛者歸脾湯腎經虛熱而痛者六味丸補之腎經虛寒迫火上炎而痛者還少丹重則八味丸其屬風熱者獨活散不愈茵陳散大寒入腦者羌活附子湯病原非一因時制宜可也風雨寒濕之氣犯腦項筋急齒痛羌活散冬月犯寒腦痛齒亦痛麻黃湯或加細辛白芷不可用涼藥

獨活散 治風毒牙痛或牙齧腫痛

獨活 羌活 川芎 防風各五分 細辛

荆芥 薄荷 生地黃各二錢

右每服三五錢水煎漱

茵陳散 治牙齒腫痛及骨膈風熱

茵陳 連翹 半夏 荆穗 麻黃

升麻 黃芩 麝干 二活 牡丹皮

大黃 薄荷 殭蚕各二錢半 細辛五錢 牽牛一兩

右為末每服三錢水一盞先煎熟下藥攪勻急瀉出食後連滓服

麻黃散

麻黃根 羊脛骨灰 龍膽 皂酒炒 生地各二錢

羌活半錢 草豆寇 當歸身 藁本

升麻 熟地黃 黃連 防風各六分

細辛少許 共末搽牙

羌活附子湯 治冬月大寒犯腦令人腦齒連

痛名曰腦風為害甚速非此莫救

麻黃 黑附子炮各三分 羌活 蒼朮 防風

黃芪一分 甘草三分 升麻 白殭蚕各五分炒

黃蘗 白芷 各五分 咳嗽加佛耳草

小煎服

越鞠丸 見鬱門

補中益氣湯 見內傷門

歸脾湯 見癩狂門

六味丸 俱見虛損門

還少丹 俱見虛損門

咽喉

脉法兩手脉浮洪而上溢者喉痺也此痰火上

湧脉亦如之 脉出寸口上魚際為溢

丹溪曰喉痺多屬痰宜用吐法或只以桐油燈

脚用鷺羽探吐病輕者取園中李實根噙之更

研水傅項上暴腫不下食吹藥吹之或用射

干和逆水吐之纏喉風屬痰熱亦用吐之

一方遠志去心為末傅項上又方燈心草燒

灰吹之

咽喉腫痛甘桔湯加歸身荆芥枳殼漱而服之
口乾火盛加花粉炒荈甚者刺少商穴出血立
愈去手大指甲一菲葉內側不已前方加玄參薄荷炒梔子
或刺照海亦妙

喉乾燥痛四物加甘桔荆芥知蘖玄參屬陰虛
愈後服六味地黄丸加坎離

喉中生瘡久不愈多屬虛火遊行無製用人參
黃栢密灸荆芥煎濃加竹瀝陰虛身熱脉數相火
盛者四物加竹瀝

陰虛咳嗽久之喉中痛者必有瘡名肺花瘡坎
離加玄參甘桔不可用水片吹藥恐辛散瘡轉
潰也

平人喉中有瘡必是楊梅毒或有染來者或身
上已有而延及于喉者並服葶藶湯佳一切喉
瘡久者多服自効即俗所謂土茯苓是也氣虛
加參芪血虛加四物

古方治喉瘡用紅燈籠草炒焦為末酒調傳喉
中今人浸水漱亦妙

治法彙編卷八
喉喉
分
瀉實熱火黃連荊芥薄荷硝石為末薑汁調嚙
化

丹溪曰喉舌之病多屬火熱雖有數種之名輕
重之異乃火之微甚耳微而輕者可以緩治重
而急者惟用針砭刺血最為上策以針刺喉中
腫處立愈

喉痺用鴨嘴膽礬三分或五分為細末吹喉中
吐痰立愈

可氣喉腫用普濟消毒飲

金陵黃泥巷楊馬軍拏法以中指蘸藥少許于
喉中用力一捻腫處出血并痰涎隨即能下湯
水絕妙即前用針刺之意妙在指法藥恐偽也
青龍膽 治咽喉閉塞腫痛并單乳蛾雙乳蛾
大有神效 用好鴨嘴膽礬盛于青魚膽內
陰乾為末吹入喉中加熊膽三分牛黃三分
冰片三分甚妙

雙乳蛾方

黑牛膽

個一

膽礬

錢三

硼砂

錢二

山豆根

錢一

右爲末入膽中用線掛陰乾點喉中吹亦妙
牛旁子飲 治風熱上壅咽喉腫痛或生癰瘡
如有肉腐

牛旁子 錢二 玄參 升麻 桔梗 去蘆 犀角

黃芩 木通 甘草 各一錢

水二鍾煎八分食遠服

甘桔湯 治少陰喉痛諸咽病引經藥

甘桔各等分水煎服或加荆芥當歸熱甚
加黃芩枳殼

喉痺喉痛外症惡寒寸脈小于關尺者皆爲表
症宜甘桔湯加羌活荆防枳殼川芎辛以散之
乃寒鬱火邪在上焦古方用半夏桂枝甘草湯
恐太熱果嚴冬聲啞兼咳嗽有表邪者乃可若
水漿不得入口者先以解毒雄黃丸四五粒以
極酸醋磨化灌入口內吐出濃痰却與上藥間
以生薑自然汁一蜺殼噙下取辛散鬱熱之義
婁全善喉閉惡寒者是邪氣鬱于表切忌膽礬
酸寒等劑吹喉使熱毒不能發越又更忌硝黃

芥連等下劑使毒氣下陷禍不旋踵韓祗和曰寸脉弱小于關者宜消陰助陽東垣曰寸脉不足乃陽氣微故用表藥提其氣升以助陽也竊以爲寸脉沉伏而實第小於諸部而有喉病者乃可用此法如果寸脉微小元氣耗于上焦卽是陽虛應從肺絕喉痺治豈宜辛散耶學者當會其意勿謬其說乃爲上工

喉痺傳染是疫癘先須表散劑防敗毒散從本門出入切忌酸藥吹點閉住毒立見傾危

肺絕喉閉喉中有痰如鼾響者是脉必浮散而微細速煎獨參湯加竹瀝薑汁服遲不救參膏亦可早則十全七八次則十全四五

備急如聖散 治時行纏喉風漸入咽塞水穀不入牙關緊急不省人事

雄黃

細研 藜蘆

去皮 白礬

飛

猪牙皂角

去皮

右等分爲細末每用一豆大搖鼻中立效

散毒雄黃丸 治纏喉風及急喉閉卒然倒仆

牙關緊急不省人事

雄黃

研飛

鬱金

各一兩

巴豆

去皮十

四枚

右為末，醋煮麪糊丸，菜豆大，茶清下，七丸吐

出頑痰，立甦。未吐再服，如至死者，心頭上

熱，即以刀尺鐵匙，斡開口灌之，下咽無有

不活，如小兒急驚，用二丸或三丸，量大小

加減，一法用醋磨灌，吐痰尤速。

急喉痺，牙關緊急，用巴豆去殼，以紙壓出，巴豆

油，將紙作撚子，點燈吹滅，以烟薰鼻中，即時口

鼻涎流，牙關開矣。

喉閉不惡寒者，及寸脉實大滑數有力，于諸部

屬裏症，宜硝石青黛等藥降之，或礬石酸味俱

可用。韓祗和曰：寸脉大于關尺者，宜助陽消陰。

東垣曰：兩寸脉實為陽盛，陰虛下之則愈。

玉鑰匙

治風熱喉痺及纏喉風

焰硝

一兩

硼砂

半兩

腦子

二錢

白殭蚕

一分

右為細末，以竹管吹喉中立驗。

世方用碧雪絳雪治喉病妙，惟實火更佳。

喉痺神驗，因于熱者為宜。朴硝一兩，細細含嚥。

汁立愈

丹溪方喉痺呼吸不通須臾欲絕絡石草二兩水升半煎出二盞去查細細呷之立通

靈苑方急喉痺逡巡不救者蠶魚膽臘月收陰乾為末每用少許點患處藥至即瘥病深則水

調灌之

開關散 治喉風氣息不通

白殭蚕

炒

枯白礬

各等分

右為末每服三錢生薑蜜水調下細細呷之

本草治纏喉風用白礬末半錢烏鷄子清一個

二味調勻細灌喉中立効此法活人殊多幸勿

忽或枯礬一味研吹入喉即以燈盞油脚灌之

取吐妙

喉閉一握金一握燒灰拌白礬末炒青色為度

用筋三四根壓下舌看喉中端的吹入妙此草

一名八角荷一名山荷葉如川芎樣生深山括

曰一葉一枝花深山是我家硫黃怕我灰水銀

化作砂癰疽與喉痺一似手拈拏

又方牙皂和霜梅爲末兮之

喉中腫痛已用吐法不減須消汚血杜牛夕馬即

草鞭取自然汁和醋呷之或茜草煎汁服能降血

中之火或用紅花搗汁亦妙用乾者浸爛取汁

俱是消汚血之法

丹溪曰咽痛諸藥不効者此非咽痛乃是鼻中

生一條紅線如髮懸一黑泡大如櫻桃垂掛咽

門而止口中飯食不入須用杜牛夕根直而獨

條者洗淨入好醋三五滴同研細就鼻孔滴二

三點則絲斷珠破其病立安

咽痛

咽痛必用荆芥陰虛火炎上者必用玄參

氣虛人參竹瀝血虛四物加竹瀝

勞碌大過陰氣太虛孤陽飛越痰結在上遂成

咽痛脉必浮大重取必瀆宜人參一味濃煎湯

細細呷之或補中益氣湯加玄參炒黃栢

虛煩上壅脾肺有熱咽喉生瘡利膈湯主之忌

苦寒鷄蘓葉甘桔荆防人參牛旁子水煎服妙

在參

咽痛有服涼藥不愈宜用姜汁詳見嗽門是從治法

咽瘡多虛火遊行無制客于咽喉宜用人參蜜

炙黃柏荆芥治之

倘急丹治喉痛痺不惡寒者

青黛 芒硝 白薑蚕各一兩 甘草四兩

右為細末用臘月內牛膽有黃者盛藥其中

增損如聖湯治風熱上攻會厭語聲不出咽

喉妨悶腫痛並治之

桔梗 甘草各一錢 枳殼 防風各五分

煎成入酥少許攪勻食後服取潤之義一法

加連翹鼠粘子

大抵治法視火微甚微則正治甚則反治捺痰

出血隨宜而施更刺少商出血行氣若腫達于

外者必傳其外地龍韭根伏龍肝之類有表症

加甘桔荆防羌活枳芎表而出之不惡寒可用


酸藥吹喉取痰嘗以鷺翎蘸米醋繳喉中摘去

其痰蓋酸以收之隨翎而出卽用膽礬義同

仲景曰婦人咽中如有炙轆半夏厚朴湯主之

此亦痰火客上焦也即四七湯見氣門

一切咽中腫痛擦痰外利膈湯妙



乳蛾

一邊有白泡腫痛或紅者名單乳蛾兩邊有者

名雙乳蛾生于關上者易治關下者難療初起

作寒熱須荆防敗毒散散之不作寒口乾燥穢

氣熱毒甚者辛涼解毒玄參 甘桔 連翹

薄荷 牛旁子 歸尾 赤芍之類熱浮于

上內以酸味收之雄黃各五錢 鬱金各五錢 白礬生一錢半

膽礬分五為末吹喉中立能言語便實火盛勢

急者前方加硝黃或用玄參散玄參一兩升麻

麝香 大黃各半兩 甘草 水煎時時含呷此

方亦治懸癰痛不下食即會壓垂長懸而壅塞

妨礙飲食是也一法用白礬一兩燒灰鹽花一

兩共研細以筋頭點腫處立消俗云吊下咽喉

用鹽點上

乳蛾實熱結滯腫塞不開宜從治粉香散主之

白礬三錢 巴豆三粒去油皮 輕粉 麝香各少許

一右丁鐵器中燒礬沸時入巴豆在礬上待枯

去巴豆和三味研細吹喉中

乳蛾紅腫不消杜牛夕根紅者研爛男加女乳

汁女用男乳調納鼻中即前破汚血法

黑牛膽一個 膽礬三錢 硃砂二錢 山豆根一錢

右為末入膽內懸陰處吹咽中

華陀危病方治纏喉風喉閉其症先兩日胸膈

氣急出氣短促驀然咽喉腫痛手足厥冷氣急

不通頃刻不治

巴豆七粒三生四熟生者去殼研熟者去殼炒存性 雄黃皂子

者一個 鬱金研末

治法 卷八 九十五

右三味研細每服半匙茶調細呷如噤咽塞
用小竹管納藥吹喉中須臾吐利卽醒如
無前藥用川升麻四兩剉碎水四碗煎一
碗灌服又無此用皂角三椀搥碎搗水一
盞灌服或吐或不吐卽安
走馬喉痺死在須臾用巴豆去皮綿紙微裹隨
左右塞于鼻中立透如左右俱有者左右各塞
一粒巴豆乃斬關奪門之將熱則流通雖是以
熱攻熱自不妨也

面

葉氏曰手足六陽之經皆上至于頭而陽明胃
脉起于鼻交額中入上齒中俠口環唇循頰車
過客主人故人之面部陽明經之所屬也胃中
有火則面熱中氣虛則面寒且不耐寒畏風亦
有中氣虛虛火上炎而面熱者必怠墮脉大正
補中益氣湯症也實火脉必數實有力精神茂
澤升麻湯加黃連甚者涼膈散 針經曰面熱
者足陽明病勢甚者調胃承氣湯下之 面黃

白面鼻冷氣弱大劑參芪加附子升麻升麻是
陽明經引也風熱上攻面目浮腫或紫黑或風
刺隱疹消風散加減鬱悒不得志婦女輩面
色慘慘反生黥黑舒鬱為主越鞠加減上焦
風熱則生小瘡通聖散消風解熱脾胃虛或
吐瀉後面目浮腫者脉必緩弱或氣口虛大參
苓白朮加減

面青肝虛 面白肺虛 面黃脾虛 兩頰紅
陰虛

素問曰五八陽明脉衰于上面始焦故面色弱
者必用補中益氣湯一人面色忽黑乃因登
廁臭氣所冲而成令燒沉檀于座右及帳中旬
日如故以臭腐屬水香屬土土勝水也

洗面藥七白散白歛白朮白牽牛白附子白芷
白芍白殭蚕面上細瘡常為黃水桃花陰乾
加當歸或杏仁作末洗面指爪破面用輕粉
生薑自然汁調傅無癢痕

顯腫屬風熱乾葛甘桔升麻薄荷有火脉洪大

者、羌活勝濕湯、加黃芩、桔梗、甘草、治之。如耳鳴、目黃、頰頰腫、頸肩膈肘臂外、廉痛、面赤、脈洪大者、以羌活、防風、甘草、藁本、通其經血、加芩、連消其腫。人參、黃芪、益氣而瀉火邪。疥癩同法。外以赤小豆末、雞子清調傅。
三因方、凡伸欠、頰車蹉、但開不能合、以酒飲之、令大醉、睡中吹皂角末、搐鼻嚏透、卽上。
一婦常錯下頰、古謂脫金鈎、兩手脈弱、用八物加升柴、遂全愈。先用手法拏上、正骨科當知。

髮

方書曰、髮乃血之餘、焦枯者、血不足也。勞心之人、未老先黃、黃而白、理可見矣。若忽然脫落、或頭皮痒、鬚眉亦落、乃血熱生風、風搖落之象。酒客膏粱、多此。或婦人天癸已行、尚黃悴、其身必夜熱、屬稟來陰虛。若病後產後、瘡疽後、精血耗而髮落者、悉屬虛。大補氣血爲主。十全湯補中益氣湯選用。若脾胃弱而食少、不運化者、理脾胃、節食爲上。脾胃壯而多火、六味丸。平人烏鬚。

髮七寶美髯丹多服妙。一方人參紫梗加諸香浸油搽頭極妙。乃物理之不可曉者。一儒者飲食勞役及惱怒眉髮脫落。余以爲勞傷精血陰火上炎所致。用補中益氣加麥冬五味及六味地黃丸加五味子眉髮頓生。一男子年二十巔毛脫盡。脈數。先以通聖散宣其風熱。次用六味地黃丸。不數日髮生寸許。兩月復舊。

虫

風字從虫。虫風化也。濕熱鬱久則生虫。腐草爲螢。陳麥爲蛾之類。菓實外殼完整。虫生于内。人之腸胃無物不受。豈得無虫。三尸丸遁理。或有之。其猖狂於腸胃爲痛。爲嘔。爲噉。爲嗜。種種煩苦。須仗醫藥。至蛔虫乃人之消化搬運者。偶爲食傷。則或吐或瀉。出和中自安。不可攻伐。昧者不知。妄用雷丸。史君之類。禍不旋踵。仁齋直指云。平時嗜酒。血入于酒。則爲酒驚。平

時多氣血凝于氣則為氣驚虛勞痼冷敗血雜痰則為血驚搖頭掉尾如虫之行止上浸胃脘食人脂膜或附脇背或隱胸腹惟蕪荑炒煎服之兼養胃益血理中乃可殺之若徒以雷丸錫灰不能去也

治虫要藥

蕪荑 史君子 鶴虱 檳榔 百部

苦楝根

化虫丸 治諸虫心下痛得所嗜之物則止者

是

鶴虱 去土 檳榔 苦楝根 東行不出者

胡粉 炒各一兩 明白礬 燒二分

右為末米糊丸桐子大一歲兒五丸量人大小加減丸數溫漿水入麻油三四點打勻送下清米飲亦可不拘時其虫細小者化為水大者自下

丹溪曰上半月虫頭向上易治下半月虫頭向下難効先以糖蜜肉汁香甜物引起後用殺虫

藥亦不可令其知知則虫先迴避矣一說上半
日向上

集効丸

木香 鶴虱 檳榔 訶子麵裹 蕪荑炒

附子水炮去 乾薑各七分 大黃一兩五

烏梅十四個

右為末煉蜜丸麻子大陳皮湯或醋湯下一
方加黃連黃柏各七錢半

萬應丸

檳榔五兩 大黃八兩 黑丑四兩共為末

皂角十條不 苦楝根皮

右以皂角楝根皮水二大碗熬成膏搜和藥
末丸桐子大又以沉香雷丸木香各一兩為
末為衣先上沉香次上雷丸次上末香服三
丸四更時砂糖湯下

一方治寸白虫用雞子炒白蠟塵酒糊丸服
黑鉛炒成灰檳榔末等分和勻米飲調下
苦楝根鶴虱檳榔濃煎湯飲之

木

檳榔丸 治小兒疳病積氣塊痛腹大有虫

三稜 蓬朮 細切醋炙 各五錢 青皮 麩炒 橘紅 五錢

蕪荑 二錢半 雷丸 五錢 鶴虱 三錢 炒

乾漆 五錢 炒 木香 二錢 五分 良薑 二錢 炒 陳土

砂仁 一錢 去殼 麥蘖麴 炒 胡黃連 三兩 炒

甘草 炙三錢 史君子肉 五錢 神麴 五錢 炒

醋米糊丸 菘豆大每三五十九空心淡薑湯

下

古方前胡湯 萊根湯 利膈下氣丸 千金散 三聖

飲五鳳丸 分治五臟勞虫 恐氣血虛者 未可輕

試 初起壯實可用之 大抵不越雷丸 貫衆 棟根

茱萸根 鶴虱 蕪荑等 各加引經藥 學者變而通

之可也

如或希奇怪病 除痰血外 百治不効者 卽是虫

爲患 視其經絡虛實 參脉症 消息治之

婦人陰蝕瘡 濕熱客于肝經 而然 陰戶生虫 痒

不可忍 入臟腑 卽死 令人發熱惡寒 與勞相似

先用蛇床子煎湯薰洗 拭乾 付後藥

梓樹皮不拘多少焙為末入枯礬四分之一麝香少許付之立愈

一法用熟豬肝切長條乘熱內陰中以取虫虫聞腥俱出肝上如此數次妙內服瀉肝和血藥傷寒過經腸胃虛熱虫上來食上唇有瘡虫食其臟曰惑下唇有瘡虫食其肛曰狐脉虛小者生急疾者成

治愚桃仁湯

桃仁 槐子 艾 各五錢 大棗 十五錢

用水二盞半煎盞半分二次服

雄黃銳散 治前疰

雄黃 青廂子 苦參 黃連 各二錢

桃仁 一錢

右為細末新艾搗汁和小指大條納肛中

應聲虫

昔有人得奇疾每語喉中必有物作聲相應有人教讀本草藥至藍遂默然遂取藍搯汁飲之少頃吐一肉塊長二寸餘人形悉具聲

遂已。千金翼云：藍主疥蝨。又一人讀至雷丸，不應服雷丸亦愈。

虫在肝則令人恐怖，眼中赤壅；在心則心煩發躁；在腎則熱，四肢腫急；在肺則咳嗽，氣喘；醫者不察，謬指為時動，屬火屬痰，寒涼轉傷脾胃，卒至夭枉，自非垣視一方者，烏能辨哉。

按古方殺虫如雷丸、貫衆、乾膝、蠟虫、百部、鉛灰，皆所常用者。有加附子、乾薑者，壯正氣也；加苦參、黃連者，蟲得苦而安也；加烏梅、訶子者，虫得

酸而靜也。加藜蘆、瓜蒂者，欲其帶虫而吐也；加芫花、黑丑、大黃、巴豆者，欲其帶虫而下也。又雄黃、川椒、蛇床、樟腦、水銀、檳榔治疥虫；胡桐、淚韭、土蟾酥治齧齒虫；川槿、海桐皮治癬虫；青箱子、覆盆葉治尤竅虫；敗鼓、桃符、板虎糞、骨灰、人枕、須爪、鶴骨驅瘵虫。或用東引、茱萸、棟根、石榴皮煎湯吞藥者，取其先得天地生長之氣，以助吾發生之氣。又性能夠殺虫，皆有至理妙用，莫能殫寸白虫。

月杪叁日、先炙猪肉一臠、置口中、咀嚼其津、而勿食、諸虫聞香爭啣、如箭攻櫜、却以檳榔、細末一兩、取石榴、東引根、煎湯、調服之、虫盡、下有長丈者、有嚙嚙能動者、

九蟲一曰伏虫、長四寸、爲群虫之長、二曰白虫、相生至、形長二寸、其母長至四五尺、三曰肉虫、狀如爛杏、令人煩悶、四曰肺虫、其狀如蚕、令人咳嗽聲嘶、五曰胃虫、狀如蝦蟆、令人吐嘔逆、噦、六曰弱虫、狀如瓜瓣、令人多唾、七曰赤虫、狀

如生肉、令人腸鳴、八曰蟻虫、至微細、狀如菜虫、居洞腸間、居則爲痔漏、癰疽、諸瘡、九曰蛇虫、長一尺、貫心則死、又有三尺虫、如馬尾、薄筋、依脾而居、有頭尾、長三寸、又有勞虫、膈噎虫、癩虫、蠱虫、狐惑虫、未易枚舉、推類而治之、可也、

八仙妙應丹 治男婦小兒外感內傷以致水穀停留、腸胃生虫、成積、惡心、嘔吐、若膈雜、瘧痢、黃疸、水腫、鼓脹、膈噎、翻胃、及婦人癥瘕、積聚、心腹疼痛、小兒疳積、面黃

肌瘦肚大脚細一切蠱積並治

雷丸一兩

錫灰兩半

白蕪荑一兩

木香一兩不見火

錦紋大黃一兩

檳榔十二兩雞心者

史君子肉一兩

黑丑頭末

三兩

右八件共為細末葱白一斤煮沸露一宿為丸粟米大每服四錢

病深者五錢量虛實加減葱白湯下氣滯用木香湯下空心妙服後如欲大便須在內房不可見風泄下如敗絮筋不斷或如魚腸或

如雞子黃或如米泔屋漏水或如馬尾或如

血驚或如蚕虫或如蝦蟆樣子一切等物一

服即出有虫即取下虫有積即取下積有氣

即消了氣必効之藥年高弱人小兒減半積

消後用四君湯加減補助胃氣

虱癢因咬虱嚙下而成時吐下出虱用敗梳篦

燒末另用煮湯調下即淨徐鉉稽神錄云浮梁

李生背起如孟惟癢不可忍人皆不識一人云

此虱癩也以藥付之一夕癩破出虱數升即日

體輕但小竅不合時時出虱竟成又臨川一人
項生瘤癢不可忍惟以火灸一醫剖之出虱無
數後出二大虱頓愈今人陰毛中多生陰虫癢
不可當肉中挑出皆八足而扁或白或紅方書
不載世以銀杏擦之或銀硃薰之皆妙

跌撲損傷

肢體全仗血氣傷損必加補養最忌惡血一絲
攻心卽斃初治消瘀和血爲急在上先消瘀
血在下先補養更審胃氣去血過多脉微欲成
獨參湯加童便服接住元氣再處大法傷損及
金瘡去血過多與產婦同脉來和緩者生急疾
者者必宜虛細不宜數實
氣血凝滯肌肉傷損則腫或紫或青痛不可忍
宜活血行氣乳香沒藥歸芍紅花蘇木爲主乳

沒通滯血傷損疼痛皆以酒化服血滯則氣壅
瘀則經絡滿經絡滿故痛且腫導而行之則痛
腫消矣

自然銅爲接骨要藥性散而燥須佐補氣血藥
不可多服逐瘀血須分輕重輕者芎歸桃仁
紅花蘇木赤芍酒水煎加童便服甚者加大黃
硃砂

打撲跌傷內損經絡吐血不止童便調白及末
服

拆傷最忌者惡血攻心與破傷風二症凡血上
逆者卽以逐瘀爲急口噤牙關緊卽是冒風切
須仔細慎之慎之傷損着寒痛不可忍用葱
杵爛入塩少許炒熟罨上其痛立止冷則溫之
昔一人傷指甲裂痛不可忍用葱炮灰火中劈
破取其間有涕者罨痛處續續換之遂止
惡血上攻韭汁和童便飲半盞佳

又法出血不止薑汁香油各四兩酒調服之
傷骨出血用益元散人參湯調服外用生薑自

然汁一盞米醋一盞獨核肥皂四個敲破按薑汁米醋中紗片慮過去楂入牛皮膠煎成膏藥貼之

接骨散

沒藥

乳香

各五錢

自然銅

一兩

滑石

兩

龍骨

三錢

赤石脂

三錢

麝香

另

錢

右為末好醋浸沒煮乾就焙燥入麝香伴勻每以一茶匙抄舌上溫酒下分上下為食前後如骨已接去龍骨赤石脂

又方

冬瓜皮

阿膠

等分

右炒乾為末以酒調下

加味芎歸湯

治打撲傷損敗血流入胃脘嘔

黑血如豆汁

當歸

白芍

芎藭

荆芥穗

百合

水

半日各等分

加酒煎服

紫金散

治打撲傷折內損肺肝嘔血不止或

有瘀血停積於內心腹脹

紫金藤皮二兩降真香 續斷 補骨脂

無名異 琥珀另研蒲黃 牛膝酒浸當歸

桃仁去皮尖各一兩大黃紙煨朴硝另研各一兩五錢

右為末每服二錢濃煎蘇木當歸酒下連進

二服妙利去惡血

復元活血湯 治從高墜下惡血留于腸胃兩

脇痛不可忍

柴胡 花粉 當歸 紅花 甘草

大黃 桃仁初川山甲泥

酒水煎服以利為度

當歸導滯湯 治瘀血脹悶

大黃一兩當歸半錢麝香少許

右為末每服三錢熱酒下

鷄鳴散 治同上

熟大黃一兩當歸尾五錢桃仁七粒

右為末酒一碗鷄鳴時煎服利下惡物為愈

從高墜下一切損傷氣欲絕不能言急以熱小

便灌之即醒

奪命丹 治刀刃所傷及從高墜下木石壓損
瘀血凝積心腹疼痛二便不通

大黃 黑牽牛

各二兩

紅蛭

用石灰慢火炒令乾黃色半兩

共為末每服三錢熱酒調下如人行四五里

再用熱酒下牽牛末二錢催下惡物為佳

花蕊石散

治一切金刃所傷打撲傷損身體

出血者急于傷處搽藥其血自化為黃水如

有內損血入臟腑熱酒童便入酒少許調一

錢服立效若牛觸腸出不損者急送入用細

絲桑白皮尖茸為線縫合肚皮縫上搽藥立

活如無桑白皮用生麻縷亦得並不得封裹

瘡口恐作膿血如瘡乾以津液潤之後搽藥

婦人產後敗血不盡惡血奔心胎死腹中胎

衣不下並用童子小便調服

硫黃

上色明淨者四兩搗為粗末

花蕊石

一兩同上

右二件和勻先用紙筋和鹽泥固濟瓦罐子

一箇候泥乾入藥在內用泥封口候乾安

在四方磚石上書八卦五行字用炭一秤

籠疊周匝自巳午時從下着火漸漸上轍
直至經宿火冷炭銷又放經宿確冷取出
細研以細絹羅子羅極細磁盒內盛依前

法用

沒藥降聖丹 治打撲閃胸筋斷骨折攣急痛
腫不能屈伸及榮衛虛弱外受風邪內傷經
絡筋骨緩縱皮內刺痛肩背拘急

川烏頭生去皮臍

骨碎補去毛

白芍

沒藥

乳香另研

自然銅

火煨醋淬十二次研為末水飛過

當歸

洗焙各一錢

生地

川芎

各半錢

共末生薑自然汁和蜜丸每一丸二錢五分
每用一丸搥碎水酒各半盞蘇木少許同
煎去蘇木熱服

內傷筋骨疼不可忍

沒藥

乳香

芍藥

川芎

川椒

去目及開

口者

當歸

各半兩

自然銅

三錢半炭火燒

右為末黃臘二兩溶化入藥末不住手攪勻
丸彈子大每服一丸好酒煎乘熱服之連

進二服

乳香定痛散 治打撲傷損落馬墜車一切痛腫

乳香 沒藥 川芎 白芷 芍藥

甘草 生地 牡丹皮

右為末每服二錢温酒並童便調下

沒藥乳香散

白木製五錢 當歸焙 白芷 沒藥另研 肉桂去

乳香另研 甘草炒各一兩

右為末每服二錢温酒調下

經驗方 治打撲傷損服之自頂心尋病至下

兩手遍身遇受病處則颯颯有聲覺藥力習

習往來則愈矣

乳香 沒藥 蘇木 降真香 松明節

川烏去皮臍 自然銅火煨醋浸七次各一兩 龍骨半兩生用

地龍半兩去土炒 水蛭油炒半兩 血竭三錢 土狗十個油浸

焙乾為末 卽蜈蚣

右為末每服五錢無灰酒調下隨上下進藥

又方

糊猴薑研爛取汁酒煎服渣傳患處

接骨散 並治惡瘡

金頭蜈蚣 一個 金色自然銅 半兩燒紅醋淬研末 乳香

一錢 銅錢 重半兩者或二文或五文燒紅醋淬研細 金絲水蛭

錢半每個作三斷瓦上培去氣道為度

石為末如瘡腫處津調半錢塗之即止痛如

見膿先用粗藥末少許麻油少半匙同打

勻再入半匙再打勻又入前藥接骨散半

錢以釵腳打成膏子用鷄翎掃在瘡上痛

處立止痛天明一宿自破

如打破骨頭并損傷可用前項接骨散半錢加

馬兜鈴末半錢同好酒一盞熱調連渣溫服

如骨折損以接定不疼未折但痛服後即止

神效

神聖接骨丹 治同上

水蛭 用糯米于砂鍋內炒黃三錢 兎絲子 好綿灰

髮灰 沒藥 乳香 血竭 各一錢 半兩錢

一文燒七次醋
淬七次另研射香 錢
另研

右研勻每服三錢熱酒調下隨上下食前後
用約人行六七里聞骨作聲忌聽鐘磬鼓
柳砧聲恐震動生蘆節忌驢肉一服見效

續股散 治折傷筋骨

半兩錢七個以桑柴火燒紅好醋淬之取
錢上碎末再入珍珠末一分乳香沒藥少
許同研極細酒調下

止痛散

黃麻 燒灰
二兩頭髮 燒灰
一兩乳香 錢
五

右為末每服三錢溫酒調下

茴香酒 治打撲肢體凝滯瘀血腰脇疼痛

破故紙 炒 茴香 炒 竦桂 各一
錢

每服二錢食前熱酒調下

南京下浮橋梁回回丹藥每用二三厘瓜仁搗
包酒下極驗遠近患損傷者兢覓之要皆不外
土鱉自然銅第製法精爾

筋斷

丹溪法接筋用旋覆花根杵汁滴傷處將渣封
瘡上半月筋自續即金沸草根

接耳鼻法

治擦落耳鼻用髮入確子塩泥固濟煨過為末
乘急以所落耳鼻蘸灰綴定以軟絹縛定効昔
一僧為驢咬下鼻用之効

肩破

負重肩破者剪猫兒頭上毛不語唾貼之

遠行打破脚起泡調生麪糊貼過夜即乾不可
擦破又法用飯粘貼過夜以紙蓋之次日復
從高墜下惡血流于脇下痛不可忍復元活血
湯主之脇乃肝膽之位故以柴胡為君當歸三
錢活血肝苦急甘草二錢緩之炮川山甲瓜蒌
紅花桃仁各三錢行血化滯酒大黃蕩滌敗血
水酒煎服方大有理
從高墜下惡血在骨節間疼不可忍芸臺散主
之

荆芥

藕節

各二兩
陰乾

芸臺子

碎硝

馬齒莧

各一兩
陰乾

右為末用蘇子半兩酒一大盞煎七分調下

二錢隨上下同

傷損愈後肌膚青腫用茄子種通黃極大者切
片一指厚瓦上焙乾為末酒調二錢臨睡服一
夜消盡無痕

四脫白急用手法拏上遲則惡血填滿白中難
上矣

破傷

身體偶有所傷或風從瘡口入名破傷風多死最急症也其症身體搖擻口噤自汗身熱如火勢急非常藥可治者必以防風全蝎為主口不能開用十個為末酒調下
破傷風汚血凝心鴉翎燒灰存性研末細酒調下一錢

已汗而身熱不清用 瓜蒌九錢 滑石 南星

蒼朮 赤芍 陳皮一錢 黃柏炒 黃芩

白芷錢五 甘草 薑一片煎服

防風湯 治破傷風同傷寒未傳入裏宜急服

防風 羌活 獨活 川芎各等分

水煎不時服甚者加藁本細辛或調蜈蚣散
大効

蜈蚣一雙 江鰮五錢 左盤龍五錢炒煙盡

右為末每服二錢用防風湯調下如前藥解
不已覺轉入裏當服左盤龍丸服之看臟
腑軟硬加巴豆霜

左盤龍丸 治風毒在裏直視

左盤龍 殭蚕炒 江鰮炒五錢 雄黃一錢

右為末燒餅丸桐子大每服十丸酒下如裏
不減將末一半入巴豆霜五分如前丸每
左盤龍一服加一丸漸加至利為度如搐
不止再服羌活湯

羌活湯

羌活 獨活 地榆 防風各二錢

水煎服如熱加黃芩有痰加半夏

若病久氣血漸虛脾胃受邪宜養脾祛邪為主
養血當歸地黃湯

四物湯加藁本細辛防風白芷

水煎服

如汗不止或服發散藥後不止服白朮防風湯
即二味加黃耆是也

破傷臟腑秘小便赤用表藥汗不休宜速下之
先用芎黃湯不已用大芎黃湯

芎黃湯

川芎三錢黃芩二錢甘草一錢溫服

大芎黃湯

川芎二錢羌活二錢黃芩各五錢大黃各五錢

煎服取利為度

羌活湯治半在表半在裏者

羌活 菊花 麻黃 川芎 白茯苓

防風 石膏 前胡 黃芩 細辛

甘草 枳殼 薄荷 白芷 蔓荊子

水煎通口服

白木散 治破傷風 犬汗不止 筋攣搐搦

白木 葛根 芍藥 升麻 黃芩

甘草 水煎溫服

玉真散 治破傷風及金瘡 冒風

天南星 防風 等分

右為末 破傷風以藥敷瘡口 後以溫酒調下

一錢 如牙關緊急 角弓反張 以二錢調下

歐打欲厥 內損以溫酒下 如已昏絕 心口

尚溫者 童便灌下 二錢 連進二服 然南星

為防風所製 服之不麻 衛生寶鑑名定風

散 治風狗咬破 先以口噙漿洗淨 用綿乾

貼再不發

如聖散 治破傷風 止血定痛

蒼朮 六兩 川烏頭 炮去皮 四兩 防風 草烏頭 炮去皮

細辛 各二兩 兩頭尖 炮去皮 四兩 天麻 川芎

白芷 各兩 損骨加乳香

右為細末 每服一錢 酒調下

經驗方 治破傷風 極效

初覺有風時急取熱糞堆內蟻蠟蟲二個
用手捏住待蟲口中吐些小水就沫在破
傷處身穿稍厚衣裳待片時瘡口覺麻兩
脇微汗風出立效
如風緊急速取此蟲三五個剪去尾將肚
內黃水塗瘡口再滴些水入熱酒內飲之
汗出立效

四惡症不可治一頭目青黑二額上汗珠不流
三眼小目瞪四身汗如油又痛不在瘡處者傷
經絡死症也

外治初覺瘡腫起白痂身寒熱急用玉真散傳
之或用杏仁去皮細嚼和雄黃飛羅麩傳之腫
消爲度○若腰脊反張四肢強直牙緊口噤用
鼠一頭和尾燒灰細研臘豬脂和傳○牙關緊
不能開用蜈蚣一條焙乾研末擦牙吐涎立愈
狗咬破傷風人參不拘多少桑火上燒烟盡用
盞子合研爲末摻瘡上仍以魚鱉煖封固

諸哽

不幸而候哽于喉，當察明是何物，以所勝能制者治之。如魚畏橄欖，魚刺哽用之，無則用核磨水服。狗涎治骨哽，鶯涎治稻芒哽，鴨涎治螺螄哽，磁石治鐵哽，水銀治金銀哽，要在變而通之。諸法不若咒由妙。金陵秣陵鄉中一人姓李號守泉符水絕妙，遠近求無不立効。其法命哽者坐自己佛堂中，佛前放一盂淨水，令親屬往求燒符用法，訖徐以小笏卜之，云已愈矣。其人歸

家看淨水中所哽之物在內隨愈乃親見者
本草云楮實軟骨諸骨哽者搗自然汁服或用乾
者爲末和水取汁亦可楮皮亦効

玉簪花根爛骨研細取汁用竹管灌喉中不可
着齒犯之齒酥萱草根亦治骨哽

又法槿樹葉油馬屁勃砂糖三味熬膏爲丸嚥
化屢驗

又法水牛屎上生蕈晒花爲末用砂糖爲丸徐
徐禁吞下仍以砂糖爲衣不然損齒

金鳳子嚼爛嚥化無子用根極能爛骨

又法用野苧根洗淨搗泥每用龍眼大如被鷄
骨傷以鷄羹化下魚則魚湯鷄骨哽用水簾草
搗汁飲之骨自下

魚骨在肚中刺痛煎茱萸湯一盞飲之骨軟而
出魚哽百法不應錫糖丸鷄子大吞之立下
誤吞錢及環錫糖一斤漸漸食之自出

錢哽艾一把水五升煎至一升頓服便下丹溪法

又法南竹根燒灰湯調下

又法百部根煮酒下

相傳錢銅哽，勃菘生嚼効。山居方用加茨菰汁，誤吞錢及金銀物，以胡粉一兩搗調之，分再服。如在腹中不消，服水銀自化。又法服砂仁湯，自下。諸哽用薤白煮半熟，以線縛定，手執線頭，少嚼薤白嚥之，度薤至哽處，便牽引，哽即隨出。又法用絲綿一小塊，如上法亦妙。

骨哽外宜燒乳香，或用皂角末取嚏出。

狀

又法人指甲燒灰吹入喉中，更擒礪砂亦可。子和法，一小兒誤吞一錢，在喉中不下，諸醫不能出，亦不能出，亦不能下，乃命戴人戴人，孰思之，忽得一策，以淨白表紙令卷實如筋，以刀縱橫剖其端作鬚鬆之狀，又別取一筋縛鐵線鈎于其端，令不可脫，先下咽中，輕提輕抑，探之覺鈎入錢眼中，然後以紙納咽中，與鈎尖相抵，覺鈎紙入紙卷之端，不礙肌肉，提之而出。一人誤吞一針刺于喉中，不得出，想得一法，用

磁石能吸鐵者磨光小棗大打一眼線繫定嚙入咽少頃提出針在石上竹木刺哽不下用多年陳籬笆片煎湯下

祝由科

呪水治諸哽

以淨器盛新汲水一盞捧之面東默念云謹請太上東流順水急急如南方火帝律令敕一氣念遍卽吹一口氣入水中如此七次以水與病者立下或用此水可以吞針筋竹刺

祝由科 治咽中刺塞

以左手屈中指及無名指作三山印坐水盞于其上右手捏金鎗印脚踏丁字立望太陽或燈火取氣一口在淨水盞中咒曰吾取太上老君東流順水老君奉勅攝去毒水吾托太帝尊所到稱吾者各現帝身急急如律令攝念七遍吹在盞中虛攪卓三次爲定卽與水飲之卽愈取諸骨骸神符

龍魚

龍

龍

龍

龍

龍

龍

龍

龍

龍

龍

龍

龍

龍

龍

古夫

祝由科

百三十六

龍潭

咒水此碗化為東洋大海咽喉化為萬丈

龍潭 龍歸洞吾奉

太上老君急急如律令奉勅吸東方生氣三口

吹入碗中每行此法正面朝東用淨水大碗放

卓上左手執拳在胸前右手執劍訣于碗中書

前符號假如魚哽就書上龍宗除龍龍二字勿

書再書下八符餘做此

湯火瘡

凡湯火傷急向火炙雖極痛強忍半時即不痛

慎不可以冷物塌之及井底泥傳之使熱氣不

出爛入見肉

火燒以好酒洗之又以鹽傳其上如皮塌以酒

熬牛皮膠傳之如湯傷以淋過二次灰查傳

上立安熱酒傷糯米粉炒黑末調傳之

治湯火灼未成瘡者用艾白根燒灰鷄子黃和

傳之如成瘡白密封以竹中膜貼上日三

經驗方湯火瘡。麩皮炒黑灰爲末，傅神妙。此方有補性，始終皆可用。

千金方火瘡未起。穉子仁燒灰，麻油和封之，厚乃佳。已成瘡，燒白糖灰傅之，燥卽瘥。

冰霜散 治火燒皮爛大痛。

寒水石 生牡礪燒 朴硝 青黛 輕粉 各等分

共末井水調搽。

治湯火所傷赤爛熱痛。

赤石脂 寒水石 大黃 各等分

右爲末以新汲水調塗。

丹溪方火燒用桐油、水銀等分三件，以柳條不住手攪成膏，再入大黃石膏末，和以牛皮膠，入少水溶開，外用貓兒肚底毛細剪摻上貼之。

苦參末油調搽亦佳。又方火瘡痛不可忍，用尿坑底下泥加老薑汁、麻油十分之一，研勻搽傷處立愈。青黛敷亦可。

火瘡爛者，以黃蜀葵花落者，淨器收之，入水些少，待爛成水，傅上神妙。

熱油傷蜜搽佳。火瘡敗壞雲母粉同生羊髓和塗之。湯火瘡先以酒洗次以楊梅樹皮為末香油調敷。

又方用髮一束香油煎以髮盡為度放冷搽患處。

又方熱油及火傷定痛以丹參細挫水調和羊脂煎三上三下敷瘡立愈。

又方鷄子十數個石器中熬自然油敷之。

竹木刺肉

凡諸竹木刺入肉中不出用蟻螬研敷立出。

一方白茅根搗傅亦妙。一方嚼牛膝根罨之。

又方竹木刺入深不得出為羊屎研爛罨傷處。

蘆葦刺入肉細嚼栗子查盒痛處。諸刺已出

而痛不止螻蛄研傅。針入肉不出用螻蛄腦

子同硫黃研細調敷以紙花貼定如覺痒時其

針自出。又方車脂攤紙上如錢厚二日一換

三五次其針自出。又方用烏鴉翎三五枝炙

治法彙編八卷
黃色研末好醋調膏塗瘡上一二時針出效
又方雙仁杏仁搗爛以車脂調勻貼自出已
出而痛不減黃泥罨之諸骨刺入肉不出水
煮白梅肉研調象牙末傅自軟咽中刺象牙
水調飲之牙梳爲末亦可魚骨在肉中不出
者嚼莫菜莢封之
破傷風血凝心針入肉三症如神方烏鴉翎燒
灰存性細研服一錢滾湯下

箭頭入肉

箭鏃入骨不可拔巴豆去殼研爛蜚蠊共研勻
塗所傷處須臾痛定漸痒不可忍使撼動拔之
又法蜚蠊不拘多少麝香共末摻箭瘡上
萬全神應丹出箭頭魚骨針麥芒等遠近皆治
之用菘荇科卽天僊子苗也於端午前一日持
不語戒於野中尋得揀科根實全者口念先生
爾却在這裡卽以柴灰自東南頭圍了用水篋
擻起週迴土次日端午日未出時依前持不語
用水擻只一擻取出水洗淨不令婦人鷄犬見

淨室中石相內搗爲泥丸如彈子大以黃丹爲
衣以紙袋封懸在高處陰乾若遇箭不出者以
緋帛絹袋盛此藥一丸放臍中綿束肚繫先以
象牙末貼瘡上後用此藥若箭瘡口小卽用刀
刮開以象牙末貼之

孫真人治箭頭在咽喉胸膈不出以螻蛄搗汁
滴三五度妙

瓜蒌根搗傳亦妙

循衣摸床

循衣撮空摸床多是大虛之候乃精神耗散不
能主持也不問雜病傷寒以大劑補之多有生
者海藏云婦人血風因大脫血崩漏或前後
失血因而枯燥其熱不除循衣撮空摸床閉目
不醒揚手擲足搖動不寧錯語失神脉浮弦而
虛內躁熱之極也氣竈鼻乾不潤上下通燥此
爲難治宜生地黄黃連湯傷寒熱邪傳裏有此
症而脉實者大承氣湯

診法 病人循衣縫譫語者不治 病人陰陽
俱絕掣衣撮空妄言者死

笑不休

內經曰神有餘則笑不休所謂神者心火是也
火得風而焰笑之象也黃連解毒湯加半夏竹
葉竹瀝薑汁戴人用滄鹽成塊者二兩火燒赤
放冷細研以河水煎服探吐出痰而愈

悲

仲景曰婦人臟躁喜悲傷欲哭象如神靈所作
數欠伸甘麥大棗湯主之甘草三兩小麥一升
大棗十枚煮三升溫分三服

邪祟

病者見神見鬼皆自己精神飄蕩非真有神鬼
也如果山居野處宅近古廟神堂氣血虛者感
而作祟正人君子神旺者無有也丹溪曰血氣
者心之神神既虛乏邪因而入理或有之若夫
氣血兩虛痰滯心竅妨碍升降不得運行以致
十二官各失其職視聽言動皆為虛妄以邪治

之其人必死

脉乍疎乍數乍大乍小崇也

丹溪曰俗云衝惡者謂衝斥邪崇而病也如病此者未有不由氣血先虧而致者焉

病人自見五色鬼屬五臟元神神不守舍實非有神也當詢之傍人如不見卽是乃元氣極虛之病肺虛見白鬼兼見面青唇青洒淅等肺家病參著大補肺氣自安舉此他臟可類推矣

五邪刺法

肝虛見白屍鬼

屍症卽邪祟其狀面色時五色如含愧赧語言不倫動搖跳躍時見異症脉來乍大乍小是爲邪鬼所憑而然古方用死人枕煎湯飲之則鬼邪觸類而出大瀉數行卽愈仍以其枕送還原處

秦承祖灸鬼法用排繩將兩手大指相並令縛緊去甲一韭葉肉與甲要四處着艾灸七壯神效

經驗辟邪丹 治衝惡怪及九尾狐精為患

人參 茯神 遠志 鬼箭羽 白朮

九節菖蒲 蒼朮 各一兩 當歸 一兩 桃奴 焙乾五錢

雄黃 辰砂 各三錢 另研 甘草 一個 另研 金箔 二十片

或加麝香

右共為末以酒調米粉打糊丸龍眼大金箔為衣時木香湯化下一丸諸邪迴避更以絳紗囊盛五六丸懸之帳中尤妙

關格

關則不得小便格則吐逆寒在胸中格絕不通熱結下焦津液不行關者甚熱之氣格者甚寒之氣 大法宜吐以提其氣之橫格不必在出痰也 有痰者宜吐二陳湯吐之吐中便有降有中氣虛而不運者補氣藥中升降之或用針以升降其氣 兩手寸口俱盛四倍以上多死 婦人久吐不尿頭汗出即死乃氣脫也 丸竅五臟陰極自地而升是行陽道乃東方之

氣金石之變上壅是也極則陽道不行反閉于
上故令人吐逆是地氣之不能上行也逆而下
降反行陰道故氣填塞而不入則氣口之脈大
四倍于人迎此清氣反行濁道也故曰格
下竅六腑陽極自天而降是行陰道乃西方之
氣膏粱之物下泄是也極則陰道不行反閉于
下故不得小便是天之氣不得下通也逆而上
行反行陽道故血脉凝滯而不通則人迎之脈
大四倍于氣口此濁氣反行清道也故曰關

